

LAS SCHIBETTAS DAL MAIS

da Patrick Capaul

SARAH BETTENS «SCREAM»

Sara Bettens? Tgi? Hääh...? Bu schnall tgi che quai savess esser...

Dentant, tradeschan ils emprims tuns da quella schiba bainspert tgi che Sara Bettens è! Cler! Quai è gie la vusch da K's CHOICE! Chantadura Sarah Bettens puspè ina gia sin agens pes cun in nov album solo. E quella gia ha la giuvna Belgesa grad anc engaschè tschella mesadad dal duo K's CHOICE – ses frar Gerd Bettens – sco producent e co-componist. La melanconia è restada, il chant tuna sco quai che Sara Bettens tuna gia adina e las balladas acusticas han fatg piazza per rocknallers dal absolut meglier! Melodius e dinamic, grungig e ruch sa tira il fil cotschen en furma da qualitat tras mintga singula chanzun, «scream» è program, musica che fa gust sin sgargnir...! Speranza vegn Sarah Bettens sin tour....!



ATHLETE «TOURIST»

Melanconia e depressiun paran da temp en temp dad esser ils megliers amitgs da la musica – citat PC...

E senza surfar, la nova ATHLETE-schiba «tourist» preschenta la musica da pop/rock melanconica cun ina profunditad tut nova. Strusch da crair ch'il debut «vehicles&animals» dal 2003 era anc tipic britpop plitost happy e schalalalalalalala...

Tenor la band sez èn autras bands sco Coldplay u Travis per part responsabels per la midada da stil. Bellezia schiba per ils dretgs muments en dus, inclusiv avunda narcotica, chandailas e tampos. Bittersweet!



M83 «BEFORE THE DAWN HEALS US»

Tut en il stil dad in tip dad avant in pèr mais, quest tip qua: M83, band franzosa, chanzuns englesas ed in num matematic! Tge maschaida! Ed i vegn anc meglier: las influenzas principalas dad Anthony Gonzales, il tgau da quest project da Paris, èn per l'ina ils Smashing Pumpkins e per l'autra Jean Michel Jarre! Tge maschaida...?

Ghitarras grungigas tutgan sin keyboards bombastics e kitschigs, ils onns 80 e 90 crodan in sin l'auter ed explodeschan en il sound da M83....blablabla....

Grev da descriver il stil, dad anflar il dretg truchet per «before the dawn heals us»....C'est très pas du tout...häh? Vous parlez pommes frites...?

Coola schiba!

